

Diss. 40

3867

618

Fiche

Doc. 3867  $\frac{1}{8}$

Doc. 3867



Q. B. F. F. Q. S.

**AUCTORITATE**

ET SUB AUSPICIIS

**AUGUSTISSIMI AC POTENTISSIMI**

**PRINCIPIS ET DOMINI**

**FRIDERICI GUILIELMI I.**

ELECTORIS ET LANDGRAVII HASSIAE, MAGNI DUCIS FULDAE,  
PRINCIPIS HERSFELDIAE &c.

AD

**NOVI PRORECTORIS**

INAUGURATIONEM

DIE V. M. SEPTEMBRIS A. MDCCCLII

CONCELEBRANDAM

INVITAT

PRORECTOR MAGISTRATU ABITURUS

**JOSEPHUS C. FR. RUBINO,**

PHILOSOPHIAE DR., PHILOLOGIAE ET HISTORIAE P. P. O.

---

Inest disputatio de augurum et posticum apud veteres Romanos numera.

---

MARBURGI,

TYPIS BAYRHOFFERI ACADEMICIS.

(14)

**I**n disputationibus meis de veterum Romanorum republica et historia ex certis et luculentis antiquorum scriptorum testimoniis demonstravi multa in rebus sacris eaque summa jura, quibus liberae reipublicae tempore et pontifex maximus et totum pontificum collegium usi sunt, antea, dum regnum permanebat, penes ipsos fuisse reges <sup>1)</sup>. Quamquam enim pontifices magna jam tum fruebantur auctoritate ex quo collegium eorum constitutum ab Numa est, potestatis tamen vel paululum vel omnino nihil habebant, sed ut in caeteris reipublicae partibus ita in sacris etiam summum judicium et suprema potestas regum inhaerebat dignitati. Ipsi enim ex antiquissima inde aetate Vestales virgines et suo arbitrio legebant Albanorum regum exemplo, et si quae incestum admisissent damnabant eas et vel ultimo eas supplicio afficiebant: ipsi flamines instituebant, de sacerdotibus judicia habebant, multa denique sanciebant de religionibus, quae postea ad pontifices pervenisse nemo est qui ignoret. Neque est in ea re quidquam quod mirum nobis debeat videri. Etenim quum in Graecis quoque civitatibus tam arcte antiquitus conjuncta esset cum regia dignitate sacrorum procuratio, ut vel constituta libertate *Babyléon* nomen remaneret in republica atque ad eos transiret magistratus, qui praessent sacris et de religionibus judicia haberent: longe etiam sanctor et augustior apud veteres

---

1) Cf. Untersuchungen über römische Verfassung und Geschichte, Vol. I, p. 211 sq.

Latinos et Romanos regum erat majestas, qui totius religionis antistites ita habebantur, ut in caetera sacerdotia plurima et amplissima, ab ipsis, ut credebatur, instituta, partem tantum aliquam sui muneris transtulisse existimarentur <sup>1)</sup>. Itaque fieri aliter non potuit quin, quamdiu regum in urbe imperium esset, potestati eorum sacerdotes omnes ne ipsis quidem pontificibus exceptis parerent. Expulsis autem regibus quum summus magistratus ad consules esset translatus, idem Romae videmus accidisse, quod Athenis tum evenit, quum novem archontes instituebantur; quemodmodum enim ex his unus βασιλεύς appellationem religionum causa retinuit, ita apud Romanos rex quidam sacrificulus constitutus est, ne sacra, quae ad hoc usque tempus facitata a regibus essent, desererentur neve ab alio nisi ejusdem nominis sacerdote obirentur. Verumtamen observanda est hac in re memorabilis quaedam inter utramque civitatem differentia, cujus explicatio et causa ex utriusque populi diversis fatis et rerum gestarum memoria repetenda est. Apud Athenienses enim sicut in universa fere Graecia paullatim imminuta erat regia potestas et tam parvo denique negotio sublata, ut neque metum civibus sui neque invidiam relinqueret: quin omni potius tempore gratissimam Attica gens retinebat Codri illius memoriam, qui quum postremus regali ornatus esset honore pro patria non dubitaverat mortem obire voluntariam. Itaque nihil obstat, quo minus archon ille, qui regis splendebat titulo, amplum inter magistratus locum obtineret, magna quadam praeditus esset potestate, denique judiciis, quae cum religione cohaerent, praeeset omnibus. At Romae contra nunquam in majore potentiae fastigio domi militiaeque constituti reges erant, quam eo ipso tempore, quo propter superbiam armata

---

1) I. c. p. 48, 114. 115.

vi inter ingentia pericula et certamina civitate ejecti sunt Tarquinii. Quamobrem quum non in odio solum regnum Romani haberent, sed etiam ne quando restitueretur in perpetuo essent timore, sacrorum quidem regem retinebant in republica, sed ne quid forte novi moliretur nominis fiducia, omnem ei potestatem ademerunt <sup>1)</sup>. Tantum enim aberat ut inter magistratus haberetur, ut ne magistratum quidem capere neve petere ei liceret: et quum regum exemplo praefectus esse caeteris sacerdotibus deberet, ita est in ordinem coactus ut parere ipse pontifici juberetur <sup>1)</sup>. Ex eo inde tempore pontificis, qui jam maximi insignitus est appellatione, mirum in modum crevit potestas: cuius rei causa in aperto est. Etenim quum jam regum tempore prae omnibus sacerdotibus pontifex eminisset cum collegio suo, quippe cui totius divini juris scientia custodia interpretatio ita esset commissa, ut de omnibus publicis privatisque sacris consuleretur et summa auctoritate responderet: nihil videri debuit convenientius esse, quam ut qui optime singulorum officia nosset idem omnibus arbitri et vindicis loco praeponeretur. Ita factum est, ut de regia potestate, quae caeteroquin ad annuos est consules translata, ea pars, quae ad sacra pertinebat, sejungeretur et pontificibus traderetur.

Ab hac sententia, quam hoc breviter loco perstrinxi quum alio fusiùs eam exposuisssem, nuper dissentire se professus est Bachofen, vir clarissimus, qui his ipsis annis elegantissimum de Romanorum historia librum instituit edere, ita tamen cum Gerlachio viro celeberrimo consociata opera, ut, quid alterutri debeat, adhuc conjectura assequi difficile sit. Statuunt autem duumviri doctissimi jam initio Albanarum rerum sejunctam esse a regia potestate summam sacrorum curam, ita

---

1) Cf. Liv. II, 2. Dionys. Hal. IV, 74. Plut. Quaes. Rom. c. 75.

scilicet divisis partibus, ut regnum Silvii pontificatus maximus Juliae genti attribueretur. Atque inde factum esse existimant ut Romae quoque Albanae civitatis ad exemplum jam a principio urbis sacrorum potestas separata a regio imperio fuerit et summo pontifici commissa <sup>1)</sup>. Qua in re videant egregii viri, ne speciosae opinati. ni plus tribuerint quam memoriae ab antiquis scriptoribus traditae, cui caeteroquin fidem habent plurimam. Albanos enim reges usque ad interitum regni sacris sacerdotibusque praefuisse Amulii edocemur exemplo, quem uno omnes ore fratris filiam Vestae sacerdotem et legisse et quum noxiam eam deprehendisset poena affecisse referunt. Condita autem Roma urbe statim Romulus, non pontifex ille sed rex, non a Juliiis sed materno certe, ut traditum est, genere a Silvii oriundus, omnibus diis sacra ipse fecisse Albano maxime ritu narratur <sup>2)</sup>. Sacerdotium autem illud, quod Iulo ejusque posteris concessum ab Albanis esse Dionysius refert <sup>3)</sup>, nihil nisi singulare quoddam et gentilicium fuit a civitate tamen agnatum et receptum, quale Romae Potitiorum et Pinariorum Aureliorum aliorumque multorum fuisse constat; neque id cum pontificatu maximo et universa sacrorum procuracione quidquam habuisse commune apparet.

Longe aliam viam ingressus est Mercklinus, v. cl., professor Dorpatensis, qui in doctissimo de cooptatione apud Romanos libro pecu-

1) Gerlach und Bachofen, Geschichte der Römer, I, 2, p. 206: Diese Verhältnisse finden in Rom ihre Fortsetzung. Dem Königtume steht das Pontifical zur Seite, es ist nicht mit ihm vereinigt. Die Meinung, als sei die Trennung der weltlichen und geistlichen Macht erst bei dem Beginn der Republik . . . . herbeigeführt worden, scheint mir durchaus unhaltbar.

2) Liv. I, 7: Sacra diis aliis Albano ritu, Graeco Herculi facit.

3) Dion. I, 70: 'Ιούλω δὲ ἀπὸ τῆς βασιλείας ἐκὰς τῆς ἐλευθερίας προσηρῆθη καὶ τιμὴ, . . . ἔν τῃ καὶ εἰς ἐμὴ τὸ ἐξ αὐτοῦ γένος ἱεραροῦτο. Ex his verbis satis elucere arbitror totam hanc de Juliorum apud Albanos sacerdotio narrationem cum iis cohaerere sacris, quae gentiles Julii usque ad imperatorum Romanorum tempora retinebant et celebrabant. Exemplum praebet res Juliae gentis Bevillici repleta, cf. Clausen, Aeneas und die Penaten, p. 1086 et tab. IV. n. 3. Orelli Inscript. n. 1287.



hiarem ea de re tulit sententiam. Atque supremam quidem regum in rebus sacris potestatem fuisse non ita infitias, quippe quod multis testatum esse scriptorum locis agnoscat: causam vero ejus rei non inde repetendam esse arbitratur, quod antiquitus cum summo magistratu intime et quasi necessario conjuncta fuerit religionum cura, sed quod pontificum collegio adscripti reges et ipsi fuerint, in eoque principem tenuerint locum: non igitur tanquam reges sed tanquam pontifices maximos praefuisse eos sacris judicat <sup>1)</sup>. Plane eandem rationem etiam in auguratum existimat valuisse <sup>2)</sup>. Quum enim antiquissimos et Latinorum et Romanorum reges constet pro optimis habitos esse augures (scilicet quod a Diis diligere et ut consulere possent populo divinandi ab iis praediti esse arte credebantur <sup>3)</sup>) inde Mercklinus colligit in augurum publicorum eos fuisse ordine et collegio. Quam utramque opinionem ut persuadeat lectoribus argumentum a numero repetit. Regum enim aetate quinque fuisse et pontifices et augures statuit, rege videlicet incluso; post ejectos autem reges, quum in eorum locum nemo alius esset cooptatus, ad quaternarium numerum utrumque collegium redactum esse contendit. Hac enim ratione conciliari optime censet Ciceronis testimonium cum Livio, quorum alter quinos utriusque generis sacerdotes institutos esse a Numa dicit <sup>4)</sup> alter tempore Ogulniae legis (anno 301 a. c.) quaternos tantum fuisse in republica tradit <sup>5)</sup>: nempe addito rege quinos sublato eo fuisse quaternos. Atque prima quidem specie subtilis quodammodo haec

1) Mercklin, die Cooptation der Römer, p. 88 u. 90.

2) Ibid. p. 97.

3) Cic. de divin. I, 40, §. 80: ut enim sapere sic divinare regale ducebant etc.

4) Cic. de rep. II, 14: Idemque Pompilius et auspiciis majoribus inventis ad pristinum (id est trium cf. II, 9) numerum duo augures addidit, et sacris e principum numero pontifices quinque praefecit.

5) Liv. X, 6: Quum quattuor augures, quattuor pontifices ea tempestate essent.

ratiocinatio possit videri: simulatque autem rem accuratius perpenderit, collatis inter se scriptorum locis et justo unicuique pondere tributo, omnis illa si qua fuit approbatio evanescet. Ne autem necesse videatur omnia quae contra illam opinionem faciant argumenta perlustrare, id Reinii viri clarissimi professoris Isenacensis eruditae debemus diligentiae, qui in novis annalibus philologicis <sup>1)</sup>, dum Merckliniani libri censuram peragit, hoc ejus commentum tam scite et docte refellit, ut persuasisse eum hac de re non solum aliis sed ipsi etiam auctori existimare jam liceat. Quamobrem in hac disputatione, quam multis districtus publicis ex negotiis properanti exaro calamo, unam attingere quaestionem satis habeo, quae ad illam rem enucleandam et illustrandam non parvi esse momenti videatur.

Romanos constat in multis vitae et publicae et privatae partibus admodum diligentes vel potius superstitiosos fuisse in numerorum observatione, quippe quibus secretam quandam vim et rerum gerendarum omen inesse arbitrantur. Quenam autem in unoquoque genere fuissent reconditae illius numerorum doctrinae commenta et decreta, ea de re multa quidem hariolati sunt aetatis nostrae scriptores, quae pro suis populus Romanus Quiritium vix agnovisset: unum vero certum est atque ab omni parte exploratum, non parem sed imparem numerum habitum esse sanctiorem, faustiores <sup>2)</sup>, diis denique gratiorem. Cujus superstitionis vel in ipsa quotidiana vita dici non potest quam frequentia et manifesta deprehendantur indicia. Pastores sedulo cavebant, ne par in gregibus ovium esset numerus quippe quod officere eorum incre-

1) Neue Jahrbücher für Philologie und Pädagogik, Vol. 58, F. 4, P. 343 et 344.

2) Paul. Diac. s. v. Imparem (p. 100 M.): Imparem numerum antiqui prosperiorem hominibus esse crederunt.

mentis putaretur <sup>1)</sup>: gallinis impari numero ova subijciebantur, quo plures scilicet et meliores pullos excluderent <sup>2)</sup>: in epulis si forte par adesset convivarum numerus omnem facile abire jucunditatem et hilaritatem sibi persuadebant. Silentium enim saepe exoriri derepente, idque indicio esse praesentium aliquem adversa laborare fama <sup>3)</sup>. Itemque in curandis morbis <sup>4)</sup> in metandis et ordinandis castris <sup>5)</sup> et multis aliis in rebus <sup>6)</sup> eam videmus adhibitam esse curam, ut ubique si fieri posset impar numerus praeferretur pari. Quae diligentia eo major debebat esse, quo proprior aliqua res ad deorum cultum accedebat:

1) Geopon. XVIII, 2, 8 (ex Florentini de re rustica commentariis): *ἴστω δὲ αἱ τοῦ κομμίου ὁ ἀριθμὸς ἄνιστος, ὡς ποσειδὼν ἔχων τινὰ δύναμιν πρὸς διαπονήν καὶ σωτηρίαν τῶν ἀγελῶν.*

2) Conspirant ea in re omnes fere omnia actatam de re rustica scriptores. Agmen docit Varro de re rust. III, c. 9, §. 42: In supponendo ova observant, ut sint numero imparia. Columella de re rust. VIII, 3, 8: Numerus avorum quae subijciuntur impar observatur. Plin. h. n. X, 34, S. 73: ova ... subijci impari numero debent. Pallad. de re rust. I, 27, 4: supponenda sunt his semper ova numero impari (cf. Barthii annotationem ad h. l.). Geopon. XIV, 7, 8 (ex Florentino): *πανταχοῦ μέντοι δεῖ ἀνίστον εἶναι τὸν ἀριθμὸν.*

3) Hanc enim sensum subesse arbitror obscurioribus Plinii verbis h. n. I. XXVIII, c. 2, S. 5, §. 27: Quin et repente conticescere convivium adnotatum est non nisi in pari praesentium numero. isque famae labor est ad quemque eorum pertinet.

4) Plin. h. n. I. XXIV, c. 10, S. 49, §. 83: Coronam ex eo (smilace) factam impari foliorum numero ajant capitis doloribus mederi. Idem I. XXIII, c. 8, S. 80, §. 456: Jubent... in capitis dolore impari numero (lauri) baccae cum oleo conterere et calfacere. Cf. Plinius Valerianus de re medica I, 2; II, 43 et 40; III, 52 (musca impari numero infricatur), Serranus de medicina c. 12, Marcelli medicamentorum liber c. 4. Vegetii ars veterinaria III, 63, 41 (pastillos facies, quos impari numero et imparibus diebus .... diffundas), cf. III, 67, 3 et III, 70, 7, (officinae ternae, quinae, septinae per triduum degenerant). Denique universae Plinius h. n. XXVIII, c. 2, S. 5, §. 25: «Car impares numeros ad omnia vehementiores credimus, idque in febribus dierum observatione intelligitur». Cui tamen opinioni abhinc it Cornel. Celsus de re medica I. III, c. 4.

5) Veget. de re militari III, 8: Fossam aperiunt latam aut novem aut undecim aut tredecim pedibus: vel si major adversariorum vis metuitur pedibus decem et septem vel novem. Imparem enim numerum observari moris est.

6) Varro op. Serr. ad Virgil. eclog. VIII, v. 75: Ideo mendum causa multarumque rerum impores numeros servari.

eam enim inhaesisse in Romanorum animis opinionem scimus, quam apertissime his Virgilius verbis declarat:

•Numero deus impare gaudet ¹).

Quamobrem, ut uno hoc exemplo defungar, in anni ordinatione, quae res maxime visa est ad religionem pertinere, id observatum esse a Numa accipimus, ut omnes menses aut undetriceños aut triceños singulos dies complecterentur, in honorem, ut ait Macrobius, imparis numeri ²): uno excepto Februario, cui viginti octo dies attributi esse eam ob causam dicuntur, quod in eo mense iusta diis Manibus fierent, inferis autem solis par numerus videretur convenire ³). Eadem diligentia institutum est, ut in unoquoque mense decem et septem dies ab Idibus usque ad sequentes Calendas computarentur: utque feriae menstruae, quippe quae in deorum honorem institutae essent, nunquam alio nisi impari

1) Virgil. ecloga VIII, v. 73 — 75:

Ternas tibi haec primum triplici diversa colore  
Licia circumdo terque hanc altaria circum  
Effigiem duco: numero deus impare gaudet.

Cf. Ciris v. 571 — 573:

Terque novena ligat triplici diversa colore  
Fila; ter in gremium mecum, inquit, despuce, virgo!  
Despuce ter virgo: numero deus impare gaudet.

2) Macrobius Saturn. I, 15: Numa in honorem imparis numeri, secretam hoc et ante Pythagorae parturiente naturam, unum adiecit diem (ad trecentos quinquaginta quattuor, cf. Censoria. c. XX) ut tam in anno quam in mensibus singulis, praeter unum Februarium, impar numerus servaretur . . . Ianuarius igitur, Aprilis, Junius, Sextilis, September, November, December, undetriceñis censentur diebus et quintanas Nonas habebant: ac post Idus in omnibus a. d. septimum decimum Calendas computabatur. Martius vero, Majus, Quinctilis et October dies triceños singulos possidebant. Nonae in his septimanae erant. Similiterque post Idus decem et septem dies in singulis usque ad sequentes Calendas putabantur. Sed solus Februarius viginti et octo retinuit dies: quasi inferis et deminutio et par numerus videretur convenire.

3) Censoria. de die nat. c. 20, §. 5: atque ita omnes menses pleni et impari dierum numero esse coeperunt, excepto Februario, qui solus cavi et ob hoc caeteris infunsiior est habitus. — Solini Polyb. c. 3: Unde propter dies impares diis superis Ianuarius dicitur: propter pares Februarius quasi abominosus diis inferis deputatur.

die celebrarentur <sup>1)</sup>. Itaque Nonae vel quintanae erant vel septimanae, nunquam sextanae; itemque Idus die post decimum vel tertio vel quinto nunquam autem quarto habebantur. Denique tanta erat ea in re superstitio, ut quum annus lunaris trecentos tantum quinquaginta quattuor dies explere videretur, Romani suo tamen anno unum adicerent diem <sup>2)</sup>, ut imparem trecentorum quinquaginta quinque dierum numerum complecteretur.

Redeamus nunc ad eos, unde exorsi sumus, sacerdotes et nulla jam poterit dubitatio esse quin in eorum quoque collegiis constituendis imparis numeri habita a Romanis ratio sit. Non defuerunt quidem sacerdotum complura genera (eaeque forsitan maior fuit pars), quae ab illa norma recederent; in omnibus autem hisce certas quasdam et iustas indicare causas licebit, quamobrem diversa et sua usi sint lege; veluti in Saliis, quorum duodenarius numerus anni mensibus respondebat <sup>3)</sup>, in diumviris vel decemviris sacrorum, qui pro Graeci sacri antistitibus potius <sup>4)</sup> quam pro genuino Romano habiti sunt sacerdotio <sup>5)</sup>, denique in aliis collegiis nonnullis, quae quum vel peregre adscita vel ante Romanae originem urbis instituta essent <sup>6)</sup>, Quiritium ea in re morem

1) Jo. Laurent. *Lydus de mensibus* l. III, c. 7, p. 92 ed. Roeth: *Ὁ Νομῆας, παραχρὶ τὸν περὶ τὴν ἀλλ' οὐ τὸν ἄριστον ἀριθμὸν τιμῶν, τριχὴ τὰς ἡμέρας τοῦ μηνὸς διαικῶς κ. κ. λ.* Cf. Macrob. et Censorin. II. II.

2) Censoria. de die natali c. 20, §. 4: facti sunt . . . dies CCCLV, quamvis Iana duodecim suis mensibus CCCCLIV dies videbatur explere. Sed ut unus dies abundaret aut per imprudenciam accidit, aut, quod magis credo, ex superstitione qua impar numerus plenus et magis faustus habebatur. Cf. Ideler, *Handbuch der Chronologie*, vol. II, p. 35.

3) *Lydus de mensibus*, IV, 2, p. 51 Becker: *Διονυσία . . . Σελίου ἀριθμηταὶ πέντε, ὑμνοῦντες τὸν Ἰανὸν κατὰ τὸν τῶν Ἰταλῶν μηνὸν ἀριθμὸν.*

4) Liv. X, 8: Decemviri sacrorum, carminum Sibyllae . . . interpretes, antistites eosdem Apollinarius sacri caeremoniarumque aliarum, plebejos videmus.

5) Inde quoque factum est, ut huius sacerdotii longe prius quam ceterorum omnium partem plebejio concederent patricii: Liv. VI, 42, X, 8, Niebuhr III, 55, Ambrosch *Studien*, p. 227, Mercklin I. I. p. 101.

6) Latini veteres non admodum solliciti videntur fuisse de impari numero servando. Argumenta (ut

non sequebantur. Sed de his accuratius disserere quam longum sit in praesens ea omitto: unum hoc loco satis erit tenere amplissima illa, de quibus agimus, collegia, angurum scilicet et pontificum, nullo unquam tempore parem admisisse sacerdotum numerum. Quae enim a Livio ex augurali disciplina lex affertur imparem angurum debere numerum esse <sup>1)</sup>, ea ad pontifices quoque pertinet, et tota utriusque collegii confirmatur historia, quam liceat breviter percurram. A principio igitur urbis tres instituti sunt augures pro numero trium antiquissimarum tribuum <sup>2)</sup> eosque, ut Cicero in libro de republica altero <sup>3)</sup> dicit, Romulus cooptavit ut sibi adessent in auspiciis: etenim quum summum ansipiciorum jus rex haberet, privatos hos sibi administratos non pares esse voluit <sup>4)</sup>, nedum ipse, id quod Mercklinus sibi persuasit, in eorum se recipi consortium et collegium pateretur. Paulo post Numa Pompilius, quum tres augures jam sufficere muneri non viderentur, duo ad pristinum addidit numerum <sup>5)</sup>, quem duplicasset fortasse, ut

---

alia mittam indicia) noui est ordinatio, qui tam apud Albanos quam apud Tusculanos ita dispositus erat, ut in omnibus, quotquot eorum novimus, mensibus par esset dierum numerus: similisque numerus in totius anni diebus quum apud eosdem Albanos tum apud Lavinenses observatus est. Cf. Crasoria. de die natali c. 22 et 20, Solini polyhist. c. 3. Itaque hoc forte si quaratur, quarenam Italica stirps anxiam illam, quam supra exproavi, superstitionem prima apud se aluerit et excoluerit eamque ad Romanos coeterasque propagarit gentes, non improbabili conjectura ad Salinos intendemus digitam, quorum ingenio rusticisque moribus religiosa illa observatio optime videtur convenire. Quamobrem nihil est quod miremur neque in antiquissimis agri Romani sacerdotia neque in iis collegiis, quae ab aliis repta esse gentibus traduntur, ubique imparem numerum inveniri.

1) Liv. X, 6.

2) Liv. I. 1.: ut tres antiquae tribus Ramnes Tilienses Luceres suum quarque augurum habeant. Dion. II, 23: *ἔτι πρὸς τοῦτοις ἑτάθη μᾶντιν ἰξ ἐκδορῆς πυλῆς ἑνα παρῆναι τοῖς ἱεροῖς.*

3) II, 9: Nam et ipse, quod principium reipublicae fuit, urbem condidit auspicio et omnibus publicis rebus instituendis qui sibi extul in auspiciis rex singulis tribubus singulos cooptavit augures.

4) Cf. Untersuchungen I, p. 49 sq. Marquardt, Handbuch der römischen Alterthümer, II, 3, p. 70 sq.

5) Cic. de rep. II, 14: Idemque Pompilius et auspiciis majoribus inventis ad pristinum numerum (i. e. trium cf. II, 9) duo augures addidit, et sacris e principum numero pontifices quinque praefecit. Locupletissimos

bini pro singulis tribubus essent, nisi impar numerus fuisset servandus. Idemque Numa, ut Cicero ait <sup>1)</sup>, sacris e principum numero pontifices quinque praefecit: quos quum e principum id est patrum numero fuisse dicat, satis declarat iis non adscriptum regem <sup>2)</sup> sed (id quod aliunde patet) praepositum fuisse: quinque autem electi sunt pontifices, ut totidem responderent auguribus, quae utriusque collegii convenientia et aequabilitas in omne exinde reipublicae tempus servata est. Interjectis aliquot seculis quum plebeji flagitarent, ut in ea collegia reciperentur, Ogulnia lege constitutum est, ut noni et augures et pontifices fierent, nempe pro singulis tribubus terni <sup>3)</sup>, utque inter augures quinque <sup>4)</sup> inter pontifices quattuor e plebe collegae cooptarentur. Eo tempore tanta etiamtum visa est patriciorum in rebus sacris auctoritas, ut de pontificatu maximo nemo cum iis contendere auderet: cuius cum plebe communicatio si jam tum postulata a tribunis esset, periculum erat, ne tota illa de sacerdotiis lex antiquaretur. Itaque caute Ogulnii tribuni, si quid video, pontificis maximi causam a caeteris pontificibus segre-

his de rebus auctor et testis existimandus est Cicero, qui quum nuper cooptatum se augurem esse mirum in modum lactaretur, certe id omni cura rgit. ne ignarus collegii sui historiae videretur. Cf. de rep. II, 31.

1) De rep. II, 14 (vide p. 10 adnot. 5).

2) Reis. I l. p. 544.

3) Niebuhr I, p. 518, n. 775.

4) Eo anno, quo lata Ogulnia lex est, quattuor tantum in republica augures fuisse Livius X, 6 auctor est, analium ea in re fidelem secutus: «quum quattuor augures . . . ea tempestate rescent etc. . . neque quia ita vere se habuerit res ulla potest esse dubitatio, quum hoc ipso anno, ut ex Ogulnia lege novem augurum expletur numerus, quinque electi ex plebe sint, quorum in fastis existant nomina, Liv. X, 9. (Ad hunc locum non satis attendisse Huschke, v. cl., videtur, quum in libro de Servii Tullii legg. p. 64, n. 12 eodem anno ante legem latam praeter quattuor augures magistrum etiam collegii existisse patet). Quae autem addit Livius: «Quemadmodum ad quattuor augurum numerum nisi morte duorum id redigi collegium potuerit, non invenio», ea ex sola ipsius ratiocinatione et conjectura profecta esse apparet: quam tamen omnino falsam esse non crediderim, dummodo non duorum sed unius auguris paulo ante accidisse mortem statuamus. Quum opportunitatem arripuisse videntur Ogulnii ut, quum in pontificum collegio major pars relinquenda patriciis esset, eandem in augurum ordine plebi vindicarent.

garunt, legemque suam ita promulgarunt, ut ad quattuor patricios pontifices, qui scilicet reliqui essent excluso maximo, plebeji quattuor accederent <sup>1)</sup>. Inde factum esse arbitror, ut Livius eo, quem supra attigi, loco <sup>2)</sup> quattuor ante legem Ogulniam octo post eam latam <sup>3)</sup> pontifices fuisse dicat, nulla Maximi facta mentione: quia in re scriptoris vel nimia brevitatis vel etiam negligentia <sup>4)</sup> multis errorem objectit, qui tamen nostra aetate jam depulsus a viris doctis est, postquam reperti Ciceronis de republica libri veri inveniendi viam aperuerunt <sup>5)</sup>. Sullano deinde tempore novum incrementum uterque ordo cepit, quindecim quum auguribus tum pontificibus institutis <sup>6)</sup>, ita ut pro singulis tribuitus quini essent. Jam igitur in omnibus, quas memoravi, accessionibus duplicem normam intelligimus esse observatam; unam, ut impar numerus retineretur, alteram ut pro antiquarum, si fieri posset, trium numero sacerdotes multiplicarentur: quodsi vero utraque inter se regula repugnaret, id quod Numae tempore accidit, major vis attributa est priori <sup>7)</sup>. Restat, ut de Julio Caesare agamus, qui novi plane instituti

1) Cf. Laurent. *Lydas de magistrat.* I, 43, p. 130 Becker: καὶ πάντες ὁ δῆμος προεχειρίσασθαι πέντε μὲν οἰωνοδόκους, τίσσας δὲ ἱεροφάντας.

2) Liv. X, 6.

3) Liv. X, 9.

4) Cacterum totum hunc Livii locum (c. 6 — 9) attente si perlegeris, ipsum erroris de pontificum numero non accusabis: probe enim memor videtur fuisse, quanquam ea de re adjuvare lectorem oblitus est, pontificis Maximi dignitatem illa tempore in controversiam nondum esse adductam. In Decii praesentium oratione (c. 7 et 8) multa intelligi inesse, quae aliter fuissent efferenda, si plebeji jam tum petissent ut ad principem in sacerdotiis locum aditus sibi pateretur.

5) Cf. imprimis Götting, *röm. Staatsverfassung*, p. 374, n. 8. Niebuhr I. p. 318, n. 773. Huschke, *Serv. Tull.*, p. 63, n. 42.

6) Liv. ep. I. LXXXIX: Pontificum et augurum collegium ampliavit, ut essent quindecim.

7) In Livii verbis, quae hic de rebus agunt (I. X, c. 6) scriptoris, ut ubique fere, agnoscamus fidem diligentiam desideramus. Utrumque enim, quod exposui, praeceptum ab auguribus acceperunt, sed — quae ejus saepe festinatio esse in jure et antiquitatibus explicandis — ita in eorum umbra copulavit, ut necessario in errorem



anctor exstitit: ad eum enim numerum, quem Sulla sanxerat, denarium scilicet quinarium, tam in augurum quam in pontificum collegio unum adiecit sacerdotem <sup>1)</sup>. Atque procul quidem intuenti admodum mira haec accessio videri debet, in qua neque imparis numeri, neque ejus, quam dixi, multiplicationis habita est cura <sup>2)</sup>; sin vero propius accesseris omniaque ejus rei ponderaveris momenta, tantum aberit, ut

incideret. Haec enim habet: quemadmodum ad quattuor augurum numerum nisi morte duorum id redigi collegium potuerit. non invenio, quam inter augures constet imparum numerum dehere esse, ut tres antiquae tribus Ramnes Titirases Lugeres suum quaque augurum habeant aut, si pluribus sit opus, pari inter se numero multiplicent. (pari inter se numero, i. e. aequali pro tribubus sive ternario numero, id quod propter nonnullorum falsam interpretationem mones); sic et multiplicati sunt quum ad quattuor quique adjecti novem numerum, ut terai in singulis essent, explerent. Jam intelliges totam qualem informatam habuit animi sententiam: primum illam de impari numero regulam (potiorem sine dubio et sanctiorem, quippe quae cum religione et omine, re inter augures gravissima, cohaereret) non sibi valuisse jure opinatus est, sed eam solum observatam esse ab finem, ut aut tres omnino augures essent, quot in principio civitatis fuerant, aut pro tribuum numero multiplicarentur. Neque fieri potuisse mihi persuasit, ut binario etiam vel quaternario numero multiplicarentur (duplicarentur vel quadruplicarentur) eoque in summa sex vel duodecim augures fierent. (Qua in re manifestus ejus est error: nam et ipsa, quae attulit, augurum verba repugnant, et Ciceronis obstat testimonium, et tota denique atrisque collegii historia reclamant.

1) Testis est Dio Cassius l. XLII, c. 51: *τοὺς τε γὰρ πορτίστεις καὶ τοὺς κλυστράτας (ὧν καὶ αὐτὸς ἦν) τοὺς τε πέντεκαίδεκα καὶ οὐκείνους ἔνα ἑκάστους προτίειπε*.

2) Caesarem constat senatorum magistratuumque immodice auxisse numerum, ut quam plurimos in civili bello socios adiutoresque suos praemiis et honoribus afficeret. Ex radem causa illud etiam incrementum, quod augurum pontificumque addidit collegiis, Dio Cassius repetere videtur quum eo, quem supra attuli loco, mercedulis Caesarem neque ac ceteris honoribus anum dicit esse, et debitum amicis suis gratiam referret: *ὅνα γὰρ πλείους αὐτῶν ἀμείψεται, στρατηγούς τε διὰ τὸ ἐπὶ τὸν πόλεμον ἀνδρῶν ἀνδρῶν καὶ ἰσχυρῶν ὅτι τὸν πόλεμον ἔχουσιν*. Quamquam autem non est, cur hoc a Caesare abjudicemus consilium, tamen nequaquam id sufficere ad totam ejus rationem explicandam unicuique patebit. Etenim si hoc tantum egisset et amicis suis gratificaretur, cur in uno addendo illis collegiis sacerdote non hoc solum anno (n. 67 a. c.) sed omni diuturnae suae temporis se contentum? praesertim quum mirifice prodigiosa in magistratibus tribuendis esset simulque ambitiosus artis suae homines ardentissima eorum sacerdotum flagrare cupiditate sciret? (cf. Dio Cass. XLII, 10. Cic. ad Brut. l. ep. 8, 7 et 14). Cor non Sallae potius exemplo sex utrique collegio loca adiecit ut et impar et tribuum numerus retineretur? Accedit, quod antiquum collegii sui de impari numero religionem nequaquam despicit duxit; quum enim ad solis cursum annum ordinaret, diligenter id cavet, ut tam in Nona quam in Idibus constitutendis impares dies servarentur. Sed aliam peculiarem quendam rationem secutus eam esse in augure et pontifice adtenda, Dio ipse salis declarat, quum ad verba *τοὺς πορτίστεις καὶ τοὺς κλυστράτας* statim adiecit: *ὧν καὶ αὐτὸς ἦν*, id quod veram incepti hujus causam modumque continet. Inde

ea regulas illas nostramque de iis sententiam labefactet et evertat, ut nulla magis re tota illa, quam exposui, ratio confirmari et stabiliri videatur. Tenendum enim est Caesarem eo tempore, quum magnam civilis belli jam confecisset partem, id omni animi contentione egisse, ut veteris regni, cuius infelici quodam desiderio jampridem <sup>1)</sup> tenebatur, quamplurima instituta paulatim <sup>2)</sup> reduceret viamque sibi illius occupandi muniret. Itaque quum ipse et augur et pontifex esset, sacerdotii quidem utriusque ius amittere noluit: indignum vero maiestate sua ratus ut diutius in caeterorum collegiarum censeretur numero, singulos alios iis adiecit eosque suum substituit in locum, ut ipse jam supra numerum et ordinem evectus videretur <sup>3)</sup>. Brevi enim sperabat fore,

quoque sit, ut alio Dio Cassius loco (l. XLIII, 81), quo ad nostrum respiciens unirse de sucto a Caesare sacerdotum numero egit, quidecinviros quidem sacrorum et septenviros epulonum maiorem ab eo collegiarum accepisse numerum commemoret, augurum vero et pontificum, ut quorum diversa conditio fuerit, nullam omnino injiciat mentionem.

1) Cf. Drumann, Geschichte Rom's, Vol. III, p. 688.

2) Praeter ea, quae a Drumanno allata sunt indicia illud quoque huc pertinet, quod reipublicae gubernacula se ubecente non legitimis magistratibus sed priscae regum more praefectis arbi commisit. Dio Cass. XLIII, 28 et 48. Untersuchungen, p. 505.

3) Occiso Caesare nemo in ejus locum alius, quantum apud scriptores reperire potuerim, neque in pontificum neque in augurum collegium est adscitus, sed ad justam ambo quindecim virorum numerum statim redierant (Lepidus enim qui Antonii opera pontifex maximus electus ab ipso collegio est, jam pridem sine dubio receptus inter pontifices erat). Unde apparet Caesarem jam ante mortem suam desuisse inter utrumque sacerdotii collegas haberi, quorum numerus semper idem videtur mansisse, qualem Sulla constituerat; id quod sequentis etiam temporis historia confirmatur. Quum enim non multo post concessum Augusto ejusque successoribus esset, ut quot vellet sacerdotes supra numerum eligeret (Dio Cass. LI, 30: *ιστέρας . . . καὶ ἐπὶ τὸν ἀριθμὸν, ὅσους ἂν ἰθελήσῃ, προαιρεῖσθαι*, cf. XLIX, 16) et distingui jam corpisset inter eos, qui intra legitimum numerum (ad numerum?) aliosque qui supra numerum in collegiis essent (cf. Mercklin, Cooptatio, p. 133), in augurum certe collegio non amplius quindecim erant, quibus ordinarius et justus numerus constabatur. Atque id quidem ex duobus efficitur inter se collatis locis, Plutarchi altero, qui sui temporis Romanos etiamnum antiquum servasse augurum numerum refert (Quaest. Rom. c. 90: *αἰσῶντος τὸν ἐκ ἀρχῆς ἀριθμὸν τῶν αὐτοῖσιν πυλάτρον*); altero Livii, qui ab Augustae ceteris auguribus debere ipsorum numerum et impari esse et tribubus respondere acceperat, cf. l. X, c. 6 et supra p. 15, n. 7. Unde vero sit similimum pontifices quoque, qui in legitimo numero haberentur, quindecim fuisse.

ut diversa illa in rebus sacris jura, quae ipsi ut pontifici maximo, ut auguri, ut aliorum sacerdotiorum sodali singula jam delata a populo erant <sup>1)</sup> uno regiae potestatis nomine <sup>2)</sup>, antiquorum regum ad exemplum, universa complecteretur. Atque haec quidem hactenus.

1) Dio Cass. XLII, 31: καίπερ αὐτός βουλευθεὶς πάσας τὰς λειτουργίας λαβεῖν ὡς περ ἰσχυρόν.

2) Inter varias regni ejusque hereditarii apparitiones ea quoque referenda est lex, quae in Caesaris gratiam sancitum est, ut pontificatus ejus maximus ad filium suum, si quem habiturus esset vel naturalem vel adoptivum, transferretur (Dio Cass. XLIV, 3: τὸν δὲ δὴ υἱὸν (ἂν τίνα γεννήσῃ ἢ καὶ ἐκποιήσῃ) ἀρχιερεὶ ἀποδοῦναι ἐψηφίσαντο). Quae in re observare licet, quam diversum Caesaris consilium ab Augusti ejusque successorum ratione fuerit, qui nunquam passi sunt, ut filiis suis, quos vel adoptassent vel procreassent, priusquam ad imperium pervenissent, pontificatus maximus destinaretur. Etenim quum primi et alteri sacculi imperatores regni nomen speciemque diligentissime vitarent, liberæ autem reipublicæ formam quamvis iocundè anxie tuerentur, committere volebant, ut summum in sacerdotis locum tanquam hereditate relinquere suis viderentur. Itaque nemo unquam imperator patri vel majoribus suis acceptum hunc honorem referebat: sed expectabant omnes, postquam potiti rerum erant, dam is, ut cætera potestatis suæ munera, armatus populiq; beneficio sibi deferretur: neque id fere unquam primum principatus evenisse die ex Severi Alexandri verbis, quæ sunt apud Lampridiam c. 8, colligere licet. At Caesar contra nihil studiosius adpetebat, quam ut sanctissimum hunc dignitatem Juliae genti in perpetuum vindicaret eamque posteris suis hereditario jure relinqueret. Præterea alia ea in re coramitè diversitas, quod imperatores inde ab Augusto satis sibi placebant in longa illa honorum potestatum dignitatum suarum serie, quas singulatim et particulatim a senatu populoque acceperant, Caesar contra nihil sibi videretur assecutus esse, nisi ex diversis his membris unum corpus, ex singulis decretis sibi honoribus integram et solidam effecisset regiam potestatem.

Reliquum est, ut, priusquam magistratu me abdicem, eas rerum vicissitudines, quas hoc academico experti anno sumus, ritu a majoribus tradito paucis commemorem.

Atque primum omnium debitae gratiae agenda sunt Deo optimo maximo, quod et AUGUSTISSIMUM ELECTOREM ex imminente nuper ereptum periculo incolumem servavit, et ea vota, quae initio huius anni pro Academiae nostrae salute et dignitate suscepimus, magna certe ex parte rata esse iussit. Subsederunt tempestates illae, quibus superiore tempore conflictatae Europae gentes sunt, et jam spes affulget fore ut restituta ubique pace artes literaeque, quae inter turbas tumultusque laborare coeperant, ad pristinum splendorem floremque reducantur. Quanquam in praeceptorum Academiae nostrae ordine et numero major hoc anno deminutio quam accessio facta est. Jam enim paullo ante quam magistratum adii vir clarissimus Bruno Hildebrand, Philos. D., politicarum disciplinarum per decem amplius annos professor apud nos publicus ordinarius valedixit nobis, quum a Turicensibus in Helvetiam vocatus esset ut eandem ibi professionem susciperet. Paullo post eum secutus est vir consultissimus Henricus Fick, J. U. D., qui per aliquot annos juris disciplinas apud nos privatim docuerat, quum in eandem Turicensium academiam adscitus et professoris extra ordinem honore ornatus esset. Tertium Helvetia a nobis magistrum accepit virum consultissimum Ernestum Zimmermann, J. U. D., qui, abdicato consilarii munere, quod in superiori provinciae nostrae tribunali antehac obtinnerat, quum privatas in Academia nostra jurisprudentiae scholas aperuisset, tam eximia mox floruit laude, ut duobus vix semestribus peractis a Basileensis academiae rectoribus arcesseretur et ad ordinarii in jure antecessoris dignitatem proveheretur. Non multo post experientissimum amisimus virum

Henricum Ludovicum Ferdinandum Robert, Med. D. et P. P. E., cujus jam per biennium carebamus praesentia, quum per Angliam et Galliam literarum causa peregrinationem suscepisset: unde redux honesta missione petita et impetrata sedem rerum suarum Confluentiam transtulit, ut celebratiore in civitate eam, qua insigniter excellit, medicam artem exerceret. Nuperrime ex praeceptorum numero excessit vir doctissimus Carolus Theodorus Bayrholffer, Phil. D., ejusdemque P. P. O., qui quum ante hos decem menses paucorum dierum commeatu petito in longinquas abiisset regiones neque quum esset publice citatus rediisset, decreto judicii ad regendam ministrorum publicorum disciplinam haud pridem instituti a professoris munere, quod dereliquerat ipse, amotus est. Atque haud scio an damnorum, quae his fecimus annis, omnium longe gravissimum sit illud, quod in hoc ipso temporis articulo nobis imminet. Jam enim discessum a nobis parat in Friburgensium vocatus academiam vir illustrissimus Theodorus Bergk, Ph. D., Philologiae P. P. O., seminarii philologici director, qui per decennium illud, quo Academiam nostram celeberrimi nominis sui decore ornavit non de studiis tantum scholisque nostris sed de universa patria, cujus conciliis publicis saepe legatus interfuit, optime est meritis, neque admirabilis ingenii et doctrinae suae magis quam virtutis constantiae justitiae denique gratissimam nobis memoriam cum perpetuo sui desiderio relinquet. Denique ut omnia adversa in unum congeramus locum, ex adolescentibus curae nostrae commissis duos acerbis extulimus funeribus Ignatium Josephum Waldner, Fuldensem, philologiae et Christophum Carolum Hering, Marburgensem, chemiae studiosum, quorum alter morbo absumtus, alter, dum in Logana flumine lavatur, undis mersus diem obiit supremum: quorum ex morte tanto majorem cepimus dolorem, quod uter-

